

Bosna i Hercegovina
Federacija Bosne i Hercegovine
Kanton Sarajevo
Općina Ilijaš
OPĆINSKI NAČELNIK



Bosnia and Hercegovina
Federation of Bosnia and Hercegovina
Sarajevo Canton
Municipality Ilijas
MUNICIPALITY MAJOR

Služba za prostorno uređenje i stambeno-komunalne poslove

OPĆINSKO VIJEĆE ILIJAŠ

Odgovori na vijećnička pitanja i inicijative sa 27. i 28. sjednice Općinskog vijeća Ilijaš

Ilijaš: Mart 2014.godine

126.Ilijaške brigade 6. tel: centrala (+387 33) 580-620

Centar za dozvole: 033-580-664

Odsjek za prostorno: 033-580-663, fax: 033-580-670

Odsjek za stambeno komunalne poslove: 033-580-669,033-580-672



SEAD ŠEHIĆ - vijećnik SBB BiH Ilijaš

Pitanje 1:"Postavljam pitanje nadležnoj općinskoj službi: Ko je odobrio i po kojoj osnovi firmi "Muhić Trans" da može izvoditi radove i uzurpirati zemljišni prostor uz prugu-peron? Također, postavljam pitanje, da li je nadležni inspektor izlazio na teren i ukoliko je izlazio da mi se dostavi izvještaj o utvrđenom stanju"?

Obrazloženje:S obzirom da se tu nalazi peron gdje građani čekaju voz, kako je moguće da neko na svoju ruku ravna, pravi i uzurpira zemljište koje nije, koliko je nama poznato, njegovo?

Odgovor: Na osnovu prijave predsjednika MZ Ilijaš Stari urbanističko - građevinski inspektor je izašao na teren i utvrdio da se radi o zemljištu vlasništvo JP"Željeznica FBiH". Ova problematika nije u nadležnosti ovog inspektora već u nadležnosti Federalnog inspektora za željeznički saobraćaj. O ovoj problematici je upoznat Predsjednik Savjeta MZ Ilijaš Stari.

Inicijativa 1:"Pokrećem inicijativu prema nadležnoj općinskoj službi da se postavi adekvatna fizička zapreka za saobraćaj motornih vozila oko cijelog centralnog platoa u Ilijašu, tzv."kocka", te da mi se pismeni odgovor dostavi o istoj"?

Obrazloženje:Da bi izbjegli ulaganja znatnih sredstava Budžeta općine Ilijaš u postavljanje polomljenih ploča, koje su ionako dotrajale na tzv."kocki", a sve o trošku građana općine Ilijaš, pokrećem inicijativu da se postave adekvatne fizičke zapreke za saobraćaj motornih vozila, oko cijele kocke, jer svjedoci smo da bahati vozači uprkos obližnjem parkingu vozađu i parkiraju po popločanoj površini. Znakovi zabrane saobraćaja, kao i mnogi drugi postavljeni po našoj općini, ne daju rezultat. Evidentno je da policija neće da se bori protiv nesavjesnih i bahatih vozača koji krše saobraćajne propise, te se i njima treba uputiti apel da rade svoj posao.

Odgovor:Inicijativa je dostavljena Petoj policijskoj upravi-Policijskoj stanici u Ilijašu, na nadležno postupanje.

Na svim prolazima postavljene su fizičke zapreke (čunjevi), kao i na ulazu iz ulice Hašima Spahića i iz ulice Bogumilska. Sve vaše navedene nezakonite radnje nisu u nadležnosti ove Službe.

Inicijativa 2:"Pokrećem inicijativu prema nadležnoj općinskoj službi za sprovođenje implementacije postavljenih znakova zabrane u ul.126.ilijaške brigade, odnosno šetališta.

Obrazloženje:Nedavno je završena rekonstrukcija i uređenje šetališta u ul.126.ilijaške brigade, a nedugo nakon toga postavljeni su i znakovi zabrane za:vožnju biciklom, uvođenje pasa i igranja loptom.Stoga me interesuje ko je zadužen za implementaciju i poštivanje istih, kao i to zašto niko ništa ne poduzima da bi se isti poštovali? Svakodnevno se kroz šetalište mogu vidjeti vožnje biciklima, igranje loptom, šetanja pasa, pa čak i ulazak automobila kao bi se samo uslikali na šetalištu.Da li su se zbog toga iz Budžeta općine Ilijaš izdvojila sredstva da bi ti znakovi reda radi stajali?

Odgovor:Inicijativa je dostavljena Petoj policijskoj upravi-Policijskoj stanici u Ilijašu, na nadležno postupanje.

AKIF BEŠLIJA - vijećnik SBB BiH Ilijaš

Inicijativa:"Pokrećem inicijativu prema nadležnoj općinskoj službi da se obilježe autobuska stajališta na autobuskoj liniji Ilijaš-Popovići".Obrazloženje: Na navedenoj autobuskoj liniji nedostaju znakovi autobuska stajališta kako bi vozači autobusa imali obavezu da se zaustavljaju, odnosno da stanu na istim, kao i to da putnici znaju gdje je autobusko stajalište.

126.Ilijaške brigade 6. tel: centrala (+387 33) 580-620

Centar za dozvole: 033-580-664

Odsjek za prostorno: 033-580-663, fax: 033-580-670

Odsjek za stambeno komunalne poslove: 033-580-669,033-580-672



Odgovor: Operativnim planom Općinskog Načelnika za 2015.godinu planirane su aktivnosti na izradi projekta saobraćajne signalizacije puta za Misoču i Popoviće.

HALID DIZDAREVIĆ - vijećnik SDA

Inicijativa: "Pokrećem inicijativu da se na relaciji od ulice Hašima Spahića (Šipadove zgrade) do novoizgrađene niskonaponske trafostanice na Karašnici, gdje je vršen iskop i polaganje elektrokabla, vrati u prvobitno stanje, odnosno da se naspe tampon i isti uvalja. Izvođač je prilikom izvođenja radova na bankini ostavio zemlju koja se pretvorila u blato. Prilikom padavina pomenuta saobraćajnica je već oštećena, jer voda potkopava asfalt, jer bankina uopće nije urađena.

Odgovor: Inicijativa je dostavljena Podružnici "Elektro distribucije" Sarajevo.

NIJAZ RASTODER - vijećnik LDS-a

Pitanje: "Zašto se nije pristupilo uređenju groblja Ljubnići onako kako je i planirano od strane općine Ilijaš? Naime, prema planu je trebalo izvršiti parcelaciju spomenutog groblja".

Odgovor: Od strane geometra općine Ilijaš određen je pravac mezara, ukopnog mjesta, u vrijeme stavljanja istog u upotrebu. Plan parcelacije, niti projekat mezarja nije nikada ni urađen. Plan Općinskog Načelnika i Službe za prostorno uređenje i stambeno-komunalne poslove općine Ilijaš bio je da se predmetno mezarje prenese na upravljanje i održavanje Mjesnoj zajednici Ljubnići, ali Općinsko vijeće Ilijaš na sjednici održanoj u mjesecu Novembru 2010. godine nije prihvatilo predloženu odluku.

Inicijativa 1: "Pokrećem inicijativu da se pijaca pere poslije pijačnog dana tj. subotom poslijepodne, a može ostati i petkom kao i do sada".

Odgovor: Inicijativa je dostavljena JKP "Vodostan" d.o.o. Ilijaš.

Inicijativa 2: "Pokrećem inicijativu da komunalni inspektor izađe na teren, a posebno naselje Banovac, ul. Ivana Franje Jukića, centar Ilijaš i dr. i upozori stranke koje nisu uklonile plakate da to urade u što kraćem roku".

Odgovor: Politički subjekti koji nisu uklonili obilježja, plakate, ili dijelove materijala sa objekata i stubova za javnu rasvjetu su:

-LDS, zastavu na spoljnjem dijelu prozora svoje kancelarije u zgradi Općine Ilijaš.

-SDA, slike kandidata Sipović Mirsada koja se nalazi na stubovima javne rasvjete u ulici Ivana Franje Jukića i Banovcu, te drvene nosače sa trakom postavljene na stubove javne rasvjete u centru Ilijaša.

-Snaga Bosne, zajedničku sliku zalijepljenu na prozor KSC i Radio Ilijaš.

-DF, ukrasne mašne postavljene na stubove javne rasvjete u centru Ilijaša.

-Unija socijaldemokrata, slike Jurić Mire koja se nalazi na stubovima javne rasvjete u ulici Ivana Franje Jukića i Banovcu,

U Zakonu o komunalnoj čistoći ("Sl. novine Kantona Sarajevo" broj: 11/97) u članu 15. tačka (6) je definisano da je: **Zabranjeno prljanje, šaranje, oštećenje, zagađivanje zgrada, javnih, vodovodnih, telefonskih, sanitarnih i drugih uređaja i njihovih dijelova, blaćenje izloga i fasada pri pranju ulica, lijepljenje plakata bez dozvole i izvan mjesta određenih za tu svrhu.**

Novčanom kaznom od 500 do 3.000 KM kaznit će se za prekršaj preduzeće, ili drugo pravno lice i imalac radnje: ako učini koju od zabranjenih radnji iz člana 15. navedenog zakona, a odgovorno lice u preduzeću, ili drugom pravnom licu novčnom kaznom od 200 do 700 KM.

Nadzor nad provođenjem odredaba ovoga zakona, programa i operativnih planova održavanja čistoće i uklanjanje snijega vrši **kantonalni organ** nadležan za komunalne poslove. Poslove inspekcijskog nadzora vrši **kantonalni inspektor** nadležan za komunalnu inspekciju.

NAPOMENA:U prilogu dostavljamo odgovore na inicijative vijećnika Muhameda Handžića i vijećnice Aide Mališević, koji je pristigao iz Direkcije za puteve Kantona Sarajevo.

Služba za prostorno uređenje
i stambeno komunalne poslove

126.Ilijaške brigade 6. tel: centrala (+387 33) 580-620

Centar za dozvole: 033-580-664

Odsjek za prostorno: 033-580-663, fax: 033-580-670

Odsjek za stambeno komunalne poslove: 033-580-669,033-580-672

